

**Broj: 06-03-680-10/22/15**  
**Mostar, 04.11.2015. godine**

Na osnovu člana 21., člana 37., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za obnovu dozvole za snabdijevanje električnom energijom - dozvole II reda broj 06-03-680/22/15 od 24.07.2015. godine podnosioca GEN-I d.o.o. Sarajevo, Regulatorna komisija za energiju u Federaciji Bosne i Hercegovine – FERK je dana 04.11.2015. godine na XIX redovnoj sjednici donijela sljedeće

## RJEŠENJE

1. Izdaje se Dozvola za snabdijevanje električnom energijom - dozvola II reda podnosiocu zahtjeva GEN-I d.o.o. Sarajevo.
2. Dozvola se izdaje na periodu od 28.01.2016. godine do 27.01.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
5. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

## Obrazloženje

FERK je 24.07.2015. godine primio od podnosioca GEN-I d.o.o. Sarajevo Zahtjev za obnovu dozvole za snabdijevanje električnom energijom - dozvole II reda pod brojem 06-03-680/22/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola.

Zbog navedenog FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva 20.08.2015. godine Obavještenje o nedostacima podnesenog Zahtjeva za obnovu dozvole za snabdijevanje električnom energijom - dozvole II reda broj 06-03-680-01/22/15 i odredio mu rok od osam dana radi otklanjanja uočenih nedostataka navedenih u obavještenju.

Postupajući po obavještenju, podnosilac zahtjeva je dostavio dopis primljen u FERK 31.08.2015. godine pod brojem 06-03-680-02/22/15, uz koji je dostavio traženu dokumentaciju i obrazloženja.

Postupajući u skladu sa članom 15. Pravilnika za izdavanje dozvola, FERK je 21.09.2015. godine u „Oslobođenju“, „Večernjem listu“ i na svojoj internetskoj stranici objavio Obavještenje za javnost o podnesenom Zahtjevu za obnovu dozvole za snabdijevanje električnom energijom - dozvole II reda podnosioca zahtjeva GEN-I d.o.o. Sarajevo. Povodom Obavještenja za javnost, FERK do roka naznačenog u obavještenju odnosno do 28.09.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 55. Pravilnika o javnim raspravama i rješavanju zahtjeva, sporova i žalbi, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, putem obavještenja 06-03-680-05/22/15 od 28.09.2015. godine i kojom mu je data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je dostavio FERK-u dopis primljen 29.09.2015. godine pod brojem 06-03-680-06/22/15, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za snabdijevanje električnom energijom - dozvole II reda po zahtjevu broj 06-03-680/22/15 od 24.07.2015. godine, podnosioca GEN-I d.o.o. Sarajevo. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-680-07/22/15 od 02.10.2015. godine usvojio Nacrt dozvole za snabdijevanje električnom energijom - dozvole II reda, dok je Odlukom FERK-a broj 06-03-680-08/22/15 od 02.10.2015. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za snabdijevanje električnom energijom - dozvole II reda, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za snabdijevanje električnom energijom - dozvole II reda mogu dati na opštoj raspravi koja je održana 14.10.2015. godine u 13:00 sati, u prostorijama FERK-a u Mostaru, a pisani komentari su se mogli dostaviti na adresu FERK-a ili na elektronsku adresu, u periodu od 05.10.2015. godine do 16.10.2015. godine do 12:00 sati.

Opštoj raspravi o Nacrtu dozvole za snabdijevanje električnom energijom - dozvole II reda prisustvovali su predstavnici FERK-a i predstavnik podnosioca zahtjeva. Predstavnik podnosioca zahtjeva je istakao kako bi se u obaveze imaoca dozvole, koje se odnose na uspostavljanje kancelarije i informisanje kupaca, trebala staviti naznaka da se primjenjuju tek od momenta kada se imalac dozvole počne baviti snabdijevanjem kvalifikovanih kupaca električnom energijom, te postavio pitanje sankcija, izvještavanja i rokova izvještavanja o eventualnim sporovima. Voditelj rasprave je pojasnio da su odredbe Zakon o električnoj energiji u Federaciji BiH izričite u pogledu obavljanja djelatnosti snabdijevanja kvalifikovanih kupaca električnom energijom i trgovine električne energije na unutrašnjem

tržištu, a pitanja sankcija i izvještavanja, njihovog pridržavanja i primjene su regulisana FERK-ovim podzakonskim aktima.

Do ostavljenog roka za dostavu pisanih komentara, odnosno do 16.10.2015. godine do 12:00 sati, u FERK nisu primljeni pisani komentari na Nacrt dozvole za snabdijevanje električnom energijom - dozvole II reda.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 19.10.2015. godine pod brojem 06-03-680-09/22/15.

Podnosilac zahtjeva, povodom navedenog, FERK-u nije dostavio druge dokaze i činjenice u vezi sa predmetom postupka.

Izvještaj voditelja postupka sa komentarima podnosioca zahtjeva dostavljen je članovima FERK-a dana 28.10.2015. godine pod internim brojem 06-08-585/15, na razmatranje radi donošenja odluke.

Na osnovu obrade Zahtjeva za obnovu dozvole za snabdijevanje električnom energijom - dozvole II reda podnosioca GEN-I d.o.o. Sarajevo i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za snabdijevanje električnom energijom - dozvole II reda u skladu sa Zakonom o električnoj energiji u Federaciji Bosne i Hercegovine, te Pravilnikom za izdavanje dozvola.

Na osnovu navedenog, kao i analize postupka opšte rasprave, odnosno izvještaja voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32. i članom 36. Pravilnika za izdavanje dozvola određeni uslovi. Spomenuti uslovi uvažavaju potrebu, ali i obavezu GEN-I d.o.o. Sarajevo, da u rokovima propisanim u uslovima dozvole za rad za obavljanje licencirane djelatnosti snabdijevanja električnom energijom iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Sanela Pokrajčić**